

Gipuzkoako EHk dio «Gobernu bokazioarekin» aurkezten dela

88 herrietatik 74etan alderdiaren zerrendak egongo dira

Aitziber Iartza / Donostia

Gipuzkoako EHk ekaineko hauteskundeetarako hautagaiak aurkeztu zituen atzo. Gipuzkoan «Gobernurako aukera egiazko gisa» aurkezten direla esan ostean, ildoak

«gardentasuna, parte hartzea eta zintotasuna» direla azaldu zuen Xabier Zubizarreta Deba-Urolako zerrendaburuak. Karme Aierbe hautagaiak, berriz, EH 74 herritan aurkezten dela eta erroldako %99,8arengana iritsiko dela azaldu zuen.



GARI GARAIALDE

Gipuzkoako Batzar Nagusietarako hautagaien aurkezpena egin zuen EHk Foru Aldundiaren aurrean.

KARMELE AIERBE HBko Mahai Nazionalako kideak eta Batzar Nagusietako hautagaiak, zerrenden eta kanpainako datuen aurkezpena egin zuen. Zerrendan, besteak beste, Xabier Zubizarreta, Txema Maritxalar, Haritz Zubimendi eta Kepa Etxeberria presoak ageri dira.

Herriei dagokionez, Gipuzkoako 88 herrietatik 74etan aurkeztuko da EH, eta erroldako %99,8a hartzen duela azaldu zuen Aierbek.

Xabier Zubizarretak,

berriz, EHren asmoak aipatu zituen. «Gobernurako aukera egiazko gisa aurkezten gara, Gobernurako bokazioarekin. Hala, gobernuak izan daitezkeenei eskaini eta eskatzen diegu lehialtasuna», azaldu zuen Zubizarretak.

Lizarra-Garaziko Akordioaren garaian, «Gipuzkoatik Euskal Herri osoaren erakuntzaren alde» jokatu beharra azpimarratu zuen.

Gipuzkoa «ezkertze, aberatzale eta aurrerakoia» nahi dutela azaldu zuen Zubiza-

rretak, eta erabakia gipuzkoarren esku dagoela azpimarratu ostean, gobernatzeko «gardentasuna, parte hartzea eta zintotasuna» bultzatuko dituztela esan zuen HBko Mahai Nazionalako kideak.

Programari dagokionez, bost puntu aipatu zituen. «Subiranotasunaren beharra, batez ere fiskala; Gipuzkoa eta Gobernu euskalduna; interes orokorren arabera ekonomia bultzatzea; azpiegitura plangintza egitea eta pobreziari aurre egitea».

Nafarroako eremu ez euskaldunean ere hautes paperak euskaraz egongo dira

EHk egindako eskakizuna onartu du Nafarroako Hautesunde Batzordeak

Erredakzioa / Iruñea

EHk eskatuta Nafarroako Hauteskunde Batzordeak onartu du, Nafarroako eremu guztietan hauteskunde paperak euskaraz ager daitezen.

Eremu euskaldunean eta mistoan ezezik ez euskaldunean ere hauteskunde pape-

rak euskaraz hutsean, gazte-lera hutsean eta bitara eskuratze eskakizuna egin zuen EHko Xabi Oterok.

Nafarroako eremu guztietan paperak eta gutunazalak euskaraz ager daitezen eskakizuna onartu da, Hauteskunde Batzordeak dioenez, Nafarroako herritarrek Adi-

ministrazio Publikoetan euskaraz egiteko eskubidea g baitute. Eremu ez euskaldunean dio, hauteskundeetako mahaletan, horiek Administrazio Publikoen barruan daudenez, herritarrei gazte-lerara itzultzeko eskatu ahal izango dela, baina paperak euskaraz lor daitezke.



JOXE LACALLE

CDNko hautagaien aurkezpena atzo, Iruñean.

Alli: «Nafarrek erabaki behar dute beren geroa»

CDNk hauteskunde-zerrendak aurkeztu ditu

Juan Kruz Lakasta / Iruñea

CDN-K ekainaren 13ko foru hauteskundeetara eta udal hauteskundeetara aurkeztuko dituen hautagaitzak aurkeztu zituen atzo. Juan Cruz Alli lehendakariak azaldu zuenez, haren alderdiaren proiektu politikoa- ren zutabe nagusia «nafar nazionalismoa» da. «Gure aberria Nafarroa da. Historikoki Espainiaren barruan dago, eta guk gure autogobernua haren barruan garatu nahi dugu, baina beti ere kontuan izanik autogobernu hori, eta Nafarroaren etorkizuna oro har, nafarrek erabaki behar dutela, horretarako eskubide historikoa dutelako». Halaber, «justizia sozialarn

alde lan egingen duela iragarri zuen.

Allik, halaber, iragarri zuen «azken lau urteotan bezala» CDN hauteskunde- en ondotik erakunde- en gobernabilitatea bermatzen saiatuko dela. Nolanahi ere, halaber kritika gogorrak egin zizkien akordioak lotzeko aurrez aurre eduki ditzakeen indarrei. Batetik, UPNz esan zuen «jatorri frankistako eskuin arrazionala» dela, «espainiar nazionalistak erregionalistaz mozorroturik». Bestetik, haren aburuz PSN «etika eza proiektu politiko bilakatu zutenak alderditik kanporatu eta gero, proiektu politikorik gabe geratu da, eta Madrilatik igortzen dizkieten aginduak besterik ez

«Haize kutsatzailea da Lizarra», Etxenikek dioenez

PSE-EE alderdiak Donostialdeko Batzorde Nagusierako hautagaiak aurkeztu zituen atzo

Amagoia Mujika / Donostia

GIPUZKOAKO PSE-EEko diputatu nagusierako hautagai Guillermo Etxenikek atzo aurkeztu zuen Donostialdeko hautagaien zerrenda. Etxenikek esan zuen Gipuzkoako alternatiba izango dela PSE-EEK.

«Muturreko» politika egingen da euskal gizartean, etxenikeraren ustez, eta mutur bietan ezarri zituen abertzaleak eta PP. EHri erreferentzia eginez esan zuen, «Permachek azaldutakoa Lizarrak haize berriak ekarri dituela, nik esan

nahi diot haize kutsatzailea ekarri duela» Etxenikerentzat Lizarrak izaera bazter- tzailea baitu.

Era berean PPren politika eskuindarra «marginala» zela esan zuen. Erdi bideko politika egingo dutela azaldu zuen.

Bestalde, Udalek Diputazioan lekua izan dezaten nahi dute, Jose Maria Mugika Heras Donostialdeko zerrendaburuak. Horregatik ezarri dituzte, Herasen atzetik Urtxuegia Lasarteko alkatea, Beloki Donostiako zinegotzia eta Morcillo Her- naniko altategaia.